


第三七六冊

明倫彙編
氏族典

(卷)
賀姓部 箇坐諸姓部 四六
謝姓部 四六
華射部 柘化夜赦 四七
霸姓部 舍斥諸姓部 四八
向尙姓部 四九
亢沉望諒暢伉抗 四九
曠甕浪鄺壯晃帛 四九
敬盛姓部 四九
正姓部 孟姓部 四九
鄭姓部 四九
鄭鏡令姓 柄命諸姓部 四九
鄧甯姓部 四九
富繆謬鬬豆救右 四九
寶姓部 四九

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典

第四百八十六卷目錄

賀姓部彙考

晉書 賀循傳

宋史 賀鑄傳

廖用賢尚友錄 賀姓

賀姓部列傳

後漢

賀純

吳

賀齊

晉

賀循

宋

賀道養

梁

賀瑒

賀季

陳

賀德基

北魏

賀訥

賀悅

賀迷

唐

賀德仁

賀敬

後梁

賀瓌

宋

賀惟忠

賀令圖

賀恂

賀鑄

賀德英

金

賀揚庭

元

賀貴

賀仁傑

賀仲善

明

賀興隆

賀祖嗣

賀懋

賀煬

賀欽

賀霖

賀長

賀恩

賀涇

賀府

賀達聖

賀德倫

賀懷浦

賀元

賀理

賀允中

賀虎臣

賀秉鉞

賀姓部雜錄

播姓部彙考

凌迪知萬姓統譜 播姓

播姓部列傳

商

播軌

簡姓坐姓貨姓磨姓部彙考

凌迪知萬姓統譜 簡姓 坐姓 貨姓 磨姓

賀人龍

賀昌明

氏族典第四百八十六卷

賀姓部彙考

晉書

賀循傳

賀循字彥先會稽山陰人也其先慶普漢世傳禮世所謂慶氏學族高祖純博學有重名漢安帝時為侍中避安帝父諱改為賀氏

宋史

賀鑄傳

賀鑄字方回衛州人嘗自言唐諫議大夫知章之後且推本其初出王子慶忌以慶爲姓居越之湖澤所謂鏡湖者本慶湖也避漢安帝父清河王諱改爲賀氏慶湖亦轉爲鏡當時不知何所據故鑄自號慶湖遺老

廖用賢尚友錄

賀姓

賀廣平商音

賀姓部列傳

後漢

賀純

按虞預晉書純儒學有重名漢安帝時爲侍中江夏太守去官與江夏黃瓊漢中楊厚俱公車徵避安帝父孝德皇帝諱改爲賀氏

吳

賀齊

按吳志賀齊傳齊字公苗會稽山陰人也少爲郡吏守鄒長太末豐浦民反轉守太末長誅惡養善期月盡平建安元年孫策臨郡察齊孝廉時候官長商升起兵策遣永寧長韓晏將兵討升以齊爲永寧長拜平東校尉十三年遷咸武中郎將齊表分歙爲新定黎陽休陽并縣歙凡六縣權遂割爲新都郡齊爲太守十八年遷奮武將軍二十一年拜安東將軍封山陰侯出鎮江上黃武初遷後將軍卒子達及弟景皆有令名爲佳將

賀邵

按吳志賀邵傳邵字興伯會稽山陰人也孫休卽位從中郎爲散騎中常侍出爲吳郡太守孫皓時入爲左典軍遷中書令領太子太傅皓兄暴驕矜政事日弊邵上疏諫書奏皓深恨之邵奉公貞正親近所憚後中惡風口不能言去職數月皓疑其託疾收付酒藏掠考千所邵卒無一語竟見殺害家屬徙臨海

晉

賀循

按晉書賀循傳循字彥先會稽山陰人也曾祖齊仕吳爲名將祖景滅賊校尉父邵中書令爲孫皓所殺徙家屬邊郡循少嬰家難流放海隅吳平乃還舉秀才除陽羨令後爲武康令陸機上疏薦之召補太子舍人趙王倫篡位轉侍御史辭疾去職會逆賊李辰兵起辰別帥石冰略有揚州吳興內史顧祕等倡義循亦合衆應之冰平循謝遣兵士杜門不出元帝爲鎮東大將軍承制以爲軍諮祭酒建武初爲中書令拜太常朝廷疑滯皆諮之循輒依經禮而對爲當世儒宗太興三年卒諡曰穆子隰康帝時官至臨海太守

宋

賀道養

按尚友錄道養瑒之伯祖也精卜筮經遇工歌女人病死爲筮之曰此非死也天召之歌耳乃以土塊加其心上俄頃而蘇

賀道力

按梁書賀瑒傳瑒祖道力善三禮仕宋爲尚書三公郎建康令

梁

賀瑒

按梁書賀瑒傳瑒字德璉會稽山陰人也祖道力善三禮仕宋爲尚書三公郎瑒少傳家業天監初爲太常丞有司舉治賓禮召見說禮義高祖異之詔朝朔望望華林講四年初開五館以瑒兼五經博士七年拜步兵校尉九年卒於館

賀華

按梁書賀瑒傳瑒子華字文明少通三禮起家晉安王國侍郎轉尚書儀曹郎尋除武陵令遷國子博士於學講授生徒常數百人再監南平郡爲民吏所德尋加貞威將軍南郡太守大同六年卒

賀季

按梁書賀瑒傳瑒子季明三禮歷官尚書祠部郎累遷步兵校尉中書黃門郎

賀琛

按梁書賀琛傳琛字國寶會稽山陰人也伯父瑒爲世碩儒琛受其經業高祖召見與語悅之補王國侍郎稍遷尚書通事舍人參禮儀事累遷通直正員郎員外散騎常侍頃之遷御史中丞免官俄復爲尚書左丞遷通直散騎常侍琛前後居職凡郊廟諸儀多所創定久之遷太府卿侯景舉兵襲京師琛逃歸鄉里後遇疾卒子詡爲巴郡太守卒

陳

賀德基

按陳書鄭灼傳會稽賀德基字承業世傳禮學祖文發父淹仕梁俱爲祠部郎德基於禮記稱爲精明累

遷尚書祠部郎雖不至大官而三世儒學俱爲祠部時論美其不墜焉

北魏

賀訥

按魏書賀訥傳訥代人獻明后之兄也其先世爲君長劉顯之謀逆太祖輕騎北歸訥勸進太祖登代王位於牛川及太祖討吐突鄰部訥兄弟遂懷異圖率諸部救之帝擊之大潰遂徙訥部落及諸弟處之東界其後離散諸部分土定居不聽遷徙其君長大人皆同編戶訥以元舅見尊重然無統領以壽終於家

賀盧

按魏書賀訥傳訥弟盧從平中原以功賜爵遼西公以爲廣川太守盧性雄豪恥居冀州刺史王輔下襲殺輔奔慕容德德以爲并州刺史廣寧王廣固敗盧亦沒

賀悅

按魏書賀訥傳訥從父弟悅初太祖之居賀蘭部悅舉郡隨從後平中原以功賜爵鉅鹿侯進爵北新卒

賀泥

按魏書賀訥傳訥從弟盧賜爵北新侯卒子泥襲後降爲肥如侯從世祖征赫連昌以功進爵琅邪公久之拜光祿勳爲外都大官卒

賀迷

按魏書賀迷傳迷代人從兄女世祖敬哀皇后皇后生恭宗賜爵長鄉子卒

唐

賀德仁

按唐書賀德仁傳德仁越州山陰人父明終陳散騎常侍德仁與從兄德基師事周弘正以文辭稱素與隱太子善高祖起兵太子封隴西公以德仁爲友還中書舍人從洗馬貞觀初遷趙王友卒

賀紀

按唐書賀德仁傳德仁從子紀博學高宗時爲太子洗馬豫修五禮爲崇賢館學士

賀敦

按唐書賀德仁傳德仁從子敦博學高宗時爲率更令崇賢館學士

賀知章

按唐書賀知章傳知章字季真越州永興人性曠夷善談說證聖初擢進士超拔羣類累遷太常博士開元十三年遷禮部侍郎後遷太子右庶子充侍讀肅宗爲太子知章遷賓客授祕書監天寶初病夢遊帝居數日寤乃請爲道士還鄉里詔許之以宅爲千秋觀而居卒年八十六

後梁

賀瓌

按五代史賀瓌傳瓌字光遠濮州人也事鄆州朱宣爲都指揮使梁太祖攻朱瑾於兗州宣遣瓌等以兵萬人救兗州兵敗降太祖太祖以爲曹州刺史即位累遷相州刺史末帝時遷左龍虎統軍宣義軍節度使貞明元年晉王入魏州末帝以瓌爲招討使疾卒

賀德倫

按五代史賀德倫傳德倫河西人也從梁太祖征伐

以功累遷平盧軍節度使貞明元年魏州楊師厚卒末帝以魏兵素驕難制乃分建昭德軍以德倫爲節度効節軍將張彥謀於其衆執德倫致之樓上縱兵大掠迫降晉莊宗徙爲大同軍節度使行至太原監軍張承業殺之

宋

賀惟忠

按宋史賀惟忠傳惟忠忻州定襄人少勇敢善騎射周祖將兵討三叛惟忠調於道左留置所部及嗣位授儀鸞副使令知易州捍邊有功尋遷正使開寶二年太祖駐常山以惟忠爲本州刺史六年卒子昭度至西京作坊使

賀懷浦

按宋史賀令圖傳令圖父懷浦孝惠皇后兄也仕軍中爲散指揮使太平興國初出爲岳州刺史領兵屯二交雍熙三年從楊業北征死於陣

賀令圖

按宋史賀令圖傳令圖開封陳留人少謹愿隸太宗左右泊即位補供奉官改綾錦副使知莫州遷崇儀使知雄州雍熙二年領平州刺史會父戰死爲六宅使領本州團練使護瀛州屯兵契丹將耶律遜軍號于越者率衆入寇大將劉廷讓與戰于君子館令圖爲先鋒被圍數重于越傳言軍中願得見賀使君令圖意其來降即引麾下數十騎逆之將近其帳數步外于越據牀罵盡殺其從騎反縛令圖而去令圖時年三十九

賀元

按尚友錄元琅邪人得道不死章聖東封謁于道左曰晉水部員外郎賀元再拜而去東坡寄以詩云舊聞老父晉郎官已作飛騰變化看聞道東家有居處願供薪水看燒丹

賀恂

按萬姓統譜恂青州人慶曆登科

賀理

按萬姓統譜理泰州人熙寧登科

賀鑄

按宋史賀鑄傳鑄字方回衛州人喜談當世事博學強記工語言尤長於度曲初娶宗女隸籍右選監太原工作元祐中李清臣執政奏換通直郎通判泗州又倅太平州竟以尚氣使酒不得美官悒悒不得志食官祠祿退居吳下

賀允中

按尚友錄允中紹興末爲給事中權吏部尚書李顯忠居丹丘與錢端禮賀允中曹勛蕭振日爲棋酒之樂徜徉泉石間

賀德英

按尚友錄德英湘鄉人七歲能文淳熙間父以訟繫獄乃詣縣自乞面試以贖父罪令問所習對以通毛詩春秋語孟策與詩賦令各出一題援筆立就遂薦于朝與金起巖等同試德英第一卒時年十四

金

賀揚庭

按金史賀揚庭傳揚庭字公叟曹州濟陰人登天德三年進士第調范縣主簿大定十三年由安肅令補

尚書省令史授沁南軍節度副使入爲監察御史歷遷戶部郎中章宗即位授山東東西路提刑使明昌改元除洛州防禦使致仕卒

元

賀貴

按元史賀仁傑傳仁傑父貴有材略善攻戰從軍有功關中兵後積尸滿野貴爲大塚收瘞之後助世祖以總管京兆諸軍奧魯卒追封雍國公諡貞憲

賀社

按元史賀社傳社益都人父進嘗平泲水有功社初以質子入宿衛至元六年襲父職爲千戶守膠州攻高郵寶應戰淮安以功授武節將軍十四年特賜金虎符懷遠大將軍征交趾軍還至建康卒

賀仁傑

按元史賀仁傑傳仁傑字寬甫其先河東隰州人祖種德徙關中遂爲京兆鄆人父賁有材略嘗於毀垣中得白金七千時世祖以皇太弟受詔征雲南駐六盤山乃持五千兩助軍且言其子仁傑可用狀即召入宿衛仁傑從世祖著勞績至元十七年特授正議大夫上都留守大德九年請老拜光祿大夫平章政事成宗崩仁宗入清內難念世祖舊臣欲有所咨訪召赴闕行至樊橋而卒諡忠貞

賀勝

按元史賀勝傳勝仁傑子也字貞卿一字舉安小字伯顏以小字行入宿衛疑重寡言世祖甚器重之拜集賢學士至元二十八年參知政事三十年僉樞密院事遷大都護大德九年勝父仁傑請老以勝代爲

上都留守至大三年進光祿大夫左丞相勝素惡鐵木迭兒貪暴居同巷不與往來及英宗即位諒闇中鐵木迭兒遂誣勝乘賜車迎詔不敬殺之

賀仲善

按江西通志仲善末新人劉水憲修綱目書法於仲善所論說間採取焉

賀仲英

按江西通志仲英末新人死義

明

賀興隆

按萬姓統譜興隆安化人元末率民兵保障鄉邑甲辰歸附太祖從胡海克寶慶授指揮討祁陽賊沒于陣上賜敕褒之有曰唐兵未出睢陽之勢已孤智伯漸強晉陽之城已浸首雖可折心已不移追封行中書省參知政事爲立祠祀之

賀銀

按浙江通志銀黃岩人洪武中領鄉薦累官宛平知縣有政聲歷陞通政司左叅議奏對詳明進工部右侍郎尋以事左遷本部主事復陞通政使

賀祖嗣

按萬姓統譜祖嗣字思恆西隅人末樂間進士歷行人陞主事員外郎郎中擢大理少卿時安樂王以逆受誅議者欲屠其郡祖嗣力言乃止

賀宗

按萬姓統譜宗湘鄉人宣德庚戌進士授大理評事嘗疏請湘鄉田稅增重歲遭水潦民苦徵輸請減五分之一以紓疲民上從其請湘人賴之以甦息正統

間浙寇起宗畫策討平之

賀懋

按萬姓統譜懋字時勉臨清人正統丁卯舉人任貴州道監察御史以言謫定海丞歷任太湖縣知縣寬恕公明清慎仁愛所在咸愛敬之當其時民稱懋為賀青天云秩滿百姓保留之在任至十有一年政績愈著去之日民攀轅臥轍涕泣而留之

賀助

按萬姓統譜助湘鄉人景泰丙子鄉薦第一歷官雲南參政以直著稱與俗寡合引疾還家屏居一室環堵蕭然

賀煬

按明外史張昭傳天順三年建安老人賀煬上書論時事帝善其言下所司行之

賀思聰

按萬姓統譜思聰末年人天性純厚警敏業儒有聲成化乙未進士初授毫縣令吏民畏懷以憂去服除毫人詣闕保請復任以終惠政擢光祿寺丞上眷重之陞本寺少卿思聰峭直不阿比忤當路清白自持民德之立生祠以疾告歸晚節益勵始終一節時人咸敬慕之

賀欽

按萬姓統譜欽字克恭遼東籍浙江定海人成化進士授給事中辭歸弘治初薦授陝西參議復辭世號醫閣先生子士謬舉人博學篤行終身不仕

賀榮

按萬姓統譜榮字師桓錢塘人世以醫名家至榮博

綜經史百家言喜論當世務臺可聽詩文務古雅而存理趣家多藏古法書名書彝器之屬尤善鑑賞經目輒定真贋仕至御醫致仕卒所著有存齋稿二卷

賀霖

按萬姓統譜霖字時望鄱陽人成化進士弘治初以御史守蘇州郡民望而知其仁鼓舞相慶以勞瘁卒于官

賀廉

按萬姓統譜廉字以清吳縣人遂於易成化癸卯中鄉試第二授訓導為人簡嚴以抗言忤當道致仕歸子元忠壬辰進士按察副使

賀長

按名山藏方外記長不知何許人正德間嘗錫雲夢門年百歲餘矣錫鬻未售輒已醉明日復然或問之曰鬻錫何資未售何酒笑不答居三十年許一日謂鄰人曰吾將死矣旦啓戶視之但見空家

賀鈞

按萬姓統譜鈞字信夫廬陵人嘉靖間為府學教授退遜木慙以古道自處見上官不能俯仰與諸生言必依孝悌忠信聞者畏服

賀恩

按萬姓統譜恩字君錫儀真人嘉靖壬辰進士歷副使

賀鏐

按萬姓統譜鏐字文卿咸寧人嘉靖乙未進士歷參政

賀涇

按萬姓統譜涇字汝明廬陵人嘉靖乙未進士歷副使

賀承先

按萬姓統譜承先字子謙渭南人嘉靖甲辰進士歷行人

賀府

按萬姓統譜府字應璧渭南人嘉靖丁未進士

賀賁

按萬姓統譜賁孟津人嘉靖丙辰進士歷僉事

賀邦泰

按萬姓統譜邦泰丹陽人嘉靖己未進士歷提學副使

賀世賢

按明外史賀世賢傳世賢榆林衛人從軍積功至義州參將萬曆四十六年進副總兵明年擢都督僉事充總兵官天啓元年瀋陽被圍世賢率親丁出城逆擊身中十四矢墜馬死

賀逢聖

按明外史賀逢聖傳逢聖字克繇江夏人萬曆四十四年由殿試第二人授翰林編修天啓時歷官洗馬崇禎元年累遷少詹事進詹事拜禮部右侍郎改吏部進左尋擢禮部尚書九年兼東閣大學士入閣輔政尋改文淵閣十一年致政歸十四年召還朝明年帝將增置閣臣召逢聖等賜坐德政殿逢聖大哭不止駕移中極殿諸輔臣隨入賜宴逢聖復大哭詔遣行人護歸十六年張獻忠圍武昌逢聖晨夕登陴與

士卒同饑困數日城陷投墩子湖死妻危氏子觀民子婦曾氏陳氏孫三人皆從死次子光明自他所來赴亦死之福王時諡文忠

賀運和

按湖廣通志運和字仲文鍾祥人天啓甲子舉人篤學力行潔清自好以孝友著侍母病衣帶不解月餘居家謹循禮法直指吏以其品行薦之朝稱曰真孝廉

賀虎臣

按明外史賀虎臣傳虎臣保定人天啓中歷天津海防遊擊登萊叅將六年遷延綏副總兵崇禎二年擢總兵官鎮守寧夏六年寇薄靈州虎臣率千騎入守旋盡勒城中兵出擊至大沙井寇突至官軍未及布陳且衆寡不敵遂戰死子讚勇敢有父風既承蔭尋舉武進士積官至京營副將崇禎十七年李自成薄京師讚率所部迎擊爲賊射死弟誠爲諸生以忠義自許兄誠襲副千戶早卒無子誠當襲以讓其弟及賊陷保定偕妻女投井死

賀人龍

子大明

按明外史左良玉傳賀人龍米脂人初以守備隸延綏巡撫洪承疇麾下崇禎六年進都司僉書七年進叅將明年進副總兵守延綏十一年京師戒嚴擢人龍總兵官帥師入衛明年事定還陝西其秋張獻忠羅汝才叛入川東楊嗣昌檄陝西總督鄭崇儉率人龍軍會剿人龍擊賊大敗之十三年與左良玉大破賊瑪瑙山人龍得一千三百餘級降賊將二十五人初嗣昌惡左良玉許人龍代爲平賊將軍及戰瑪瑙

山良玉功第一嗣昌語人龍姑待之人龍大觖望致良玉所爲不奉約束十四年三月嗣昌卒丁啓睿代令人龍擊李自成於靈寶山中人龍于大明戰沒九月總督傅宗龍統人龍李國奇軍出關次新蔡遇賊孟家莊將戰人龍先走國奇戰不勝亦走宗龍遂歿十五年總督汪喬年出關擊賊人龍遇賊復不戰喬年亦歿帝大怒欲誅之慮其爲變姑奪職戴罪視事及孫傳庭督師陝西帝授以意傳庭至陝密與巡撫張爾忠召人龍計事數其罪殺之

賀秉鉞

按明外史張振秀傳崇禎十五年臨清城破天津叅將賀秉鉞以扶父觀至臨清巷戰終日矢盡被執死之秉鉞太寧左衛人崇禎四年登武科一甲第三人

賀昌明

按湖廣通志昌明字震極武昌諸生闖賊破京師痛愍帝以身殉國乃傾家貲爲設祭遠近聞而赴奠者萬數昌明披麻執杖如人子禮遂發狂疾以終其身

賀姓部雜錄

日知錄賀氏晉書賀循傳曰會稽山陰人也其先慶普漢世傳禮所謂慶氏學族高祖純安帝時爲侍中避安帝父諱改爲賀氏宋史賀鑄自言出王子慶忌居越之湖澤所爲鏡湖乃慶湖也按古但有以王父字爲氏無以名爲氏者慶忌名也不得爲氏而鏡湖本名鑑湖慶古音羌聲不相近若齊之慶氏居吳朱方見於左傳後人以慶封有弑君之惡諱之而欲更其祖其不及宋司馬華孫遠矣水經注有賀臺越入

吳遷而成之故號曰賀臺苟欲求越國之故何不取之於賀臺而必取之於鏡湖又改鏡而爲慶邪

播姓部彙考

凌迪知萬姓統譜

播姓

播見姓苑唐置播州之姓

播姓部列傳

商

播軌

按萬姓統譜軌賢人

簡姓坐姓貨姓磨姓部彙考

凌迪知萬姓統譜

簡姓

簡見姓苑

坐姓

坐見姓苑

貨姓

貨見姓苑

磨姓

磨子思出母磨氏

按禮記庶氏之母死胡為哭於孔氏之廟則子思出母嫁於庶氏耳母姓無可考也茲云磨氏不知何據

欽定古今圖書集成明倫彙編氏族典

第四百八十七卷目錄

謝姓部彙考

鄭樵通志以國為氏

廖用賢尚友錄謝姓

謝姓部列傳一

周

謝息

漢

謝殷

謝弘

後漢

謝夷吾

謝甄

謝該

吳

謝景

晉

謝鯤

謝尚

謝安

謝石

謝朗

謝琰

宋

謝景仁



謝述

謝落

謝靈運

謝晦

謝惠連

謝孺子

謝鳳

南齊

謝朓

謝朓

謝昌寓

梁

謝朓

謝徵

謝惠

謝舉

謝蘭

謝善助

陳

謝哲

謝貞

隋

謝慶恩

唐

謝偃

謝脩

謝方明

謝弘微

謝瞻

謝職

謝莊

謝元

謝穎

謝穎

謝超宗

謝璟

謝護

謝寬

謝幾卿

謝儵

謝儵

謝儵

謝儵

謝儵

謝儵

謝儵

謝儵

謝儵

謝儵

謝儵

謝儵

謝儵

謝元卿

後梁

謝彥章

後周

謝文節

宋

謝茂希

謝炎

謝德權

謝伯景

謝景溫

謝伯立

謝允昌

謝皓

謝湜

謝文瓘

謝猷

謝佃

謝潛

謝逸

謝如意

謝發

謝淳

謝孚

謝諤

謝孝義

謝泌

謝濤

謝絳

謝景初

謝履

謝訶

謝季成

謝文龍

謝麟

謝昇

謝良佐

謝安時

謝舉廉

謝邁

謝洪

謝凱

謝勳

謝綽中

謝英

謝深甫

謝汝明

謝公旦

謝夢生

謝子強

謝方叔

謝璉

謝阜

謝升賢

謝應瑞

謝堂

謝枋得

謝昌元

謝微明

謝翺

氏族典第四百八十七卷

謝姓部彙考

鄭樵通志

以國爲氏

周吳姓國

謝氏姜姓炎帝之裔申伯以周宣王舅受封於謝今

兗州龔丘縣謝城是也後失爵以國爲氏焉

廖用賢尚友錄

謝姓

謝陳留商音

謝姓部列傳一

周

謝息

按左傳昭公七年晉人來治杞田季孫將以成與之

謝息爲孟孫守不可

漢

謝殷

按漢書恩澤侯表殷元始五年以中郎將與陳崇等八人使行風俗齊同萬國封章鄉侯

謝翥

按漢書王莽傳前輝光謝翥奏武功有丹書著石文曰告安漢公莽爲皇帝莽使羣公以白太后遂稱攝皇帝

謝弘

按鄭樵通志漢有謝弘

後漢

謝夷吾

按後漢書謝夷吾傳夷吾字堯卿會稽山陰人少爲郡吏學風角占候太守第五倫擢爲督郵舉孝廉爲壽張令稍遷荊州刺史遷鉅鹿太守所在愛育人物有善績後以行春乘柴車從兩吏冀州刺史上其儀序失中有損國典左轉下邳令豫剋死日卒

謝安

按後漢書滕撫傳建康元年陰陵人徐鳳馬勉等寇郡縣下邳人謝安應募率其宗親設伏擊鳳斬之封安爲平鄉侯

謝甄

按尚友錄甄字子微汝南鄆陵人明識人倫雖郭林宗不及甄之明鑒也仕爲豫章從事

謝弼

按後漢書謝弼傳弼字輔宣東郡武陽人正直爲鄉邑所宗師建寧二年詔舉有道之士弼與陳敦公孫度俱對策皆除郎中時青蛇見前殿大風拔木弼上封事左右惡其言出爲廣陵府丞去官歸家中常侍曹節從子紹爲東郡太守忿疾於弼遂以它罪收考掠按死獄中

謝該

按後漢書謝該傳該字文儀南陽章陵人也善春秋左氏爲世名儒門徒數百千人仕爲公車司馬令以父母老託疾去官少府孔融上書薦之徵還拜議郎以壽終

謝譚

按尚友錄譚處士也會稽太守召之爲功曹譚辭疾太守曰龍以屈伸爲神鳳以嘉鳴爲貴何必隱形於天外潛鱗於重淵哉

吳

謝景

按吳志孫登傳豫章太守謝景字叔登南陽宛人在郡有治迹吏民稱之以爲前有顧劭其次卽景數年卒官

謝承

按尚友錄承字偉平山陰人爲吳郡督郵歲稔有嘉禾六穗生於部屬遷長沙東郡都尉博學洽聞撰後漢書百餘卷

晉

謝鯤

按晉書謝鯤傳鯤字幼輿陳國陽夏人也祖繼典農中郎將父衡仕至國子祭酒鯤通簡有高識東海王越聞其名辟爲掾轉參軍事以時方多故避地豫章王敦引爲長史敦有不臣之迹鯤知不可以道匡弼乃優游寄遇不屑政事每與畢卓等縱酒敦將爲逆出鯤爲豫章太守又畱不遣藉其才望逼與俱下時朝望被害而鯤推理安常時進正言敦既不能用內

亦不悅軍還使之郡蒞政清肅百姓愛之尋卒官諡曰康子尚

謝沉

按晉書謝沉傳沉字行思會稽山陰人曾祖斐吳豫章太守父秀吳翼正都尉沉少孤事母至孝博學多識舊籍內史何充引為參軍以母老去職康帝即位以太學博士徵母憂服闋除尚書度支郎何充庾冰並稱沉有史才遷著作郎卒

謝尚

按晉書謝尚傳尚字仁祖豫章太守鯁之子也幼有至性及長辨悟絕倫司徒王導辟為掾轉西曹屬遷會稽王友出為歷陽太守轉江夏相為政清簡徵授給事中永和中拜尚書僕射出為豫州刺史在任有政績升平初徵拜衛將軍未至卒諡曰簡無子從弟奕以子康嗣

謝奕

按晉書謝安傳安兄奕字無奕初為剡令與桓溫善溫辟為安西司馬猶推布衣好在溫坐岸幘笑詠無異常日從兄尚有德政既卒朝議以奕立行有素必能嗣尚事乃遷都督豫兗冀并四州軍事卒官三子泉靖元泉有名譽歷義興太守靖官至太常

謝安

按晉書謝安傳安字安石尚從弟也父哀太常卿安少有重名寓居會稽除尚書郎琅邪王友並不起弟萬為西中郎將既黜廢安始有仕進志桓溫請為司馬尋除吳興太守頃之徵拜侍中尋為尚書僕射符堅率衆大淮肥京師震恐安指授將帥各當其任遂

破賊以總統功進拜太保薨諡曰文靖三子瑤瑛瑤襲爵官至琅邪王友早卒

謝萬

按晉書謝安傳安弟萬字萬石弱冠辟司徒掾簡文帝作相聞其名召為撫軍從事中郎再遷豫州刺史監司豫冀并四州軍事萬矜豪傲物諸將恨之既而率衆援洛陽衆潰散狼狽單歸廢為庶人後復以為散騎常侍卒子韶字穆度至車騎司馬韶子思字景伯思三子曜弘微皆歷顯位

謝石

按晉書謝安傳安弟石字石奴初拜祕書郎累遷尚書僕射淮肥之役以將軍假節征討大都督與兄子元琰破符堅還中軍將軍尚書令遷衛將軍卒諡曰襄子汪嗣早卒汪從兄冲以子明慧嗣為孫恩所害明慧從兄喻復以子嵩嗣

謝奉

按尚友錄奉字弘道歷安南將軍廣州刺史吏部尚書後免官東遷道遇謝安停三日共語安欲慰其失官奉輒引以他端雖宿竟不及言此事安謂同舟曰謝奉固是奇士

謝朗

按晉書謝安傳安從子朗字長度父據早卒善言元理文義黠發終於東陽太守

謝元

按晉書謝安傳安兄奕奕子元字幼度桓溫辟為掾於時符堅強盛朝廷求文武良將安以元應舉於是徵拜建武將軍兗州刺史監江北諸軍事久之轉散

騎常侍左將軍會稽內史卒於官諡曰獻武子瑒嗣祕書郎早卒子靈運嗣

謝琰

按晉書謝安傳安子琰字瑗度拜著作郎轉祕書丞累遷散騎常侍與從兄元俱陷陣破堅以勳封望蔡公太元末為護軍將軍會稽王道子以為司馬衛將軍孫恩作亂督吳興義興二郡軍事詔與劉牢之俱討孫恩恩逃于海島朝廷憂之以琰為會稽內史恩復寇浹口琰戰敗與二子肇峻俱被害

謝選

按晉書謝安傳安弟子選字茂度父鐵末嘉太守選有理識累遷侍中後為吳興太守孫恩之亂為賊所執害之

謝敷

按晉書謝敷傳敷字慶緒會稽人也性澄靖寡欲入太平山十餘年召為主簿徵博士皆不就初月犯少微少微一名處士星占者以隱士當之譙國戴逵有美才人或憂之俄而敷死

謝混

按晉書謝安傳安子琰琰子混字叔源少有美譽尚晉陵公主歷中書令中領軍尚書左僕射以黨劉毅誅

宋

謝景仁

按宋書謝景仁傳景仁陳郡陽夏人衛將軍晦從叔父也祖據太傅安第二弟父允宣城內史景仁為著作郎桓元為太尉以補行參軍及篡位領驍騎將軍

高祖平京邑以爲武陵王遵記室參軍遷司徒左長史義熙五年轉大司馬又遷吏部尚書十一年轉左僕射十二年卒子恂都陽太守恂子穉西陽太守

謝純

按宋書謝景仁傳景仁弟純字景懋爲劉毅衛軍長史毅兵敗純爲人所殺

謝述

按宋書謝景仁傳景仁弟述字景先少有志行高祖臨豫州以爲主簿累轉太子中舍人元嘉二年拜中書侍郎明年出爲武陵太守彭城王義康長史義康入相轉左衛將軍補吳興太守在郡清省爲吏民所懷十二年卒

謝方明

按宋書謝方明傳方明陳郡陽夏人尚書僕射景仁從祖弟也祖鐵末嘉太守父沖中書侍郎爲孫恩所殺方明隨伯父吳興太守逸在郡恩寇會稽逸被害方明逃竄還都元興元年除著作佐郎從兄景仁舉爲高祖中兵主簿轉從事中郎遭母憂去職服闋爲宋臺尚書吏部郎高祖受命遷侍中永初三年出爲丹陽尹有能名轉會稽太守元嘉三年卒官

謝澹

按南史謝晦傳澹字景恆晦從叔也任達仗氣不管當世與順陽范泰爲雲霞之交歷位尚書累遷光祿大夫

謝弘微

按宋書謝弘微傳弘微陳郡陽夏人也祖韶車騎司馬父思武昌太守從叔峻無後以弘微爲嗣弘微本

名密犯所繼內諱故以字行起家琅邪王參軍太祖卽位爲黃門侍郎遷尚書吏部郎參預機密尋轉右衛將軍元嘉六年東宮建領中庶子每有獻替及論時事必手書焚草人莫之知十年卒

謝靈運

按宋書謝靈運傳靈運陳郡陽夏人也祖元晉車騎將軍父瓊爲祕書郎蚤亡靈運少好學博覽羣書性奢豪衣裳器物多改舊制世共宗之咸稱謝康樂劉毅鎮姑孰以爲記室參軍毅誅高祖版爲太尉參軍入爲祕書丞坐事免高祖受命起爲散騎常侍轉太子左衛率靈運爲性褊激多愆禮度自謂才能宜參權要旣不見知常懷憤憤少帝卽位靈運構扇異同徐羨之等患之出爲永嘉太守太祖登阼徵爲祕書監遷侍中唯以文義見接靈運意不平上諷令自解後除爲廣州鑿山浚湖攻役無已太守孟顓乃表其異志太祖知其見誣以爲臨川內史在郡遊放不異永嘉爲有司所糾棄市子鳳蚤卒

謝瞻

按宋書謝瞻傳瞻字宣遠陳郡陽夏人衛將軍晦第三兄也年六歲能屬文初爲桓偉安西參軍楚臺祕書郎轉主簿安成相宋國中書黃門侍郎弟暉時爲宋臺右衛權遇已重於彭城還都迎家賓客輻輳瞻驚駭乞降黜以爲豫章太守晦建佐命之功任寄隆重瞻愈憂懼永初二年在郡遇疾不肯自治遂卒

謝晦

按宋書謝晦傳晦字宣明陳郡陽夏人祖朗東陽太守父事會稽王長史晦初爲孟昶建威府中兵參軍

昶死高祖命爲太尉參軍轉豫州治中從事高祖受命以功封武昌縣公少帝旣廢徐羨之以晦行都督荆湘雖益寧南北秦七州諸軍事元嘉二年上誅羨之等并討晦晦聞乃發兵反詔檀道濟討之道濟至晦軍潰散執送京師伏誅

謝瞻

按南史謝晦傳晦弟瞻字宣鏡年數歲所生母郭氏疾瞻晨昏溫清勤容威顏未嘗暫改恐僕役營疾懈倦躬自執勞母爲疾畏驚一家尊卑咸屬至性咸納履行屏氣語如此者十餘年位黃門侍郎

謝惠連

按宋書謝方明傳方明子惠連幼而聰敏年十歲能屬文元嘉七年爲司徒彭城王義康法曹參軍是時義康治東府城堊堊中得古冢爲之改葬使惠連爲祭文又爲雪賦以高麗見奇十年卒無子弟宜臨川內史

謝莊

按宋書謝莊傳莊字希逸陳郡陽夏人太常弘微子也初爲始興王濬後軍法曹行參軍轉太子舍人元嘉二十九年除太子中庶子世祖踐阼除侍中孝建元年遷左衛將軍又拜吏部尚書坐辭疾多免官大明元年起爲都官尚書五年又爲侍中太宗卽位以爲散騎常侍轉中書令泰始二年卒諡曰憲子子嚴晉平太守

謝朓子

按南史謝裕傳裕子恂恂子孺子少與族兄莊齊名多藝能九善聲律與王或宴桐臺孺子吹笙或自起

舞嘆曰今日真使人飄飄有伊洛間意爲新安主簿出爲廬江郡太守

謝元

按宋書何承天傳承天與尚書左丞謝元素不相善元嘉二十一年元新除太尉諮議參軍未拜爲承天所糾上大怒遣元長歸田里禁錮終身元字有宗陳郡陽夏人臨川內史靈運從祖弟也以才學見知卒於禁錮

謝鳳

按萬姓統譜鳳元嘉中爲鄞令在任未幾惠政大乎於縣東二里造方勝碑以畜水歲溉田五千餘頃硤北阻大溪復架石爲梁民不病涉因名謝鳳橋

南齊

謝朓

按南齊書謝朓傳朓字元暉陳郡陽夏人祖述吳興太守父諱散騎侍郎朓少好學有美名解褐豫章王太尉行參軍歷轉隨王文學高宗輔政以朓爲驃騎諮議轉中書郎建武四年出爲南東海太守遷尚書吏部郎東昏失德江祐欲立江夏王寶元末更回惑與弟祀密謂朓曰江夏年少輕脫不堪負荷神器不可復行廢立遙光又遣親人劉渢密致意於朓欲以爲肺腑朓自以受恩高宗非渢所言不肯答少日遙光以朓兼知衛尉事朓懼見引即以祐等謀告左興盛興盛不敢發言祐聞以告遙光遙光大怒使御史中丞范岫奏收朓下獄死

謝顗

按南齊書謝朓傳朓兄顗字仁悠少簡靜解褐祕書

郎累至太祖驃騎從事中郎建元初爲吏部郎至太尉從事中郎永明初高選文學以顗爲竟陵王友至北中郎長史卒

謝瀟

按南齊書謝瀟傳瀟字義潔陳郡陽夏人也祖弘微宋太常父莊金紫光祿大夫瀟解褐車騎行參軍遷祕書郎司徒祭酒丹陽丞撫軍功曹世祖爲中軍引爲記室齊臺建遷太子中舍人建元初轉桂陽王友出爲安成內史還爲中書郎除黃門郎轉太子中庶子出爲吳興太守母喪去官服闋爲吏部尚書永泰元年轉散騎常侍太子詹事卒諡簡子

謝超宗

按南齊書謝超宗傳超宗陳郡陽夏人也祖靈運宋臨川內史父鳳元嘉中坐靈運事同徙嶺南早卒超宗得還解褐奉朝請太祖爲領軍數與超宗共屬文愛其才翰以爲義興太守及卽位轉黃門郎超宗爲人仗才使酒多有陵忽出爲南郡王中軍司馬以怨望免官世祖卽位使掌國史除竟陵王征北諮議參軍愈不得志超宗娶張敬兒女爲子婦上甚疑之永明元年敬兒誅賜超宗自盡

謝昌寓

按萬姓統譜昌寓陳郡人爲劉峻廣州參軍性至孝嘗養一鵠昌寓病二旬鵠二旬不食昌寓卒而鵠遂飛去

梁

謝朓

按梁書謝朓傳朓字敬冲陳郡陽夏人也祖弘微宋

太常卿父莊右光祿大夫朓起家撫軍法曹行參軍歷中書郎永明元年拜通直散騎常侍累遷都官尚書固求外出爲吳興太守建武四年詔徵爲侍中中書令抗表不應召及高祖踐阼徵爲光祿大夫不屈明年六月輕舟出詣闕自陳既至詔以爲侍中司徒尚書令後五年薨諡曰靖孝子讓官至司徒右長史次子纂仕至晉安太守

謝璟

按南史謝裕傳裕子恂恂子孺子孺子子璟少與從叔朓俱知名齊竟陵王子良開西邸招文學璟亦與焉位中書郎梁天監中爲左戶尚書再遷侍中卒

謝徵

按梁書謝徵傳徵字元度陳郡陽夏人高祖景仁宋尚書左僕射祖稚朱司徒主簿父瑒東陽太守徵初爲安西安成王法曹遷尚書金部三公二曹郎中大通四年累遷中書郎六年出爲北中郎豫章王長史南蘭陵太守大同二年卒

謝謨

按萬姓統譜謨梁東陽太守秩滿去官郡民送錢一萬止留一百民強納之答曰數多劉寵甚以爲愧後復爲東陽內史

謝諲

按南史謝弘微傳弘微會孫諲不妄交接門無雜賓有時獨醉曰入吾室者但有清風對吾飲者惟當明月位右光祿大夫

謝覽

按梁書謝朓傳覽字景滌朓弟濬之子也遷尚齊錢

唐公主高祖爲大司馬召補東閣祭酒天監元年爲中書侍郎以母憂去職服闋除中庶子尋除吏部郎遷侍中復遷吏部尚書十二年出爲吳興太守卒於官

謝舉

按梁書謝舉傳舉字言揚中書令覽之弟也起家祕書郎遷太子舍人普通五年爲太子中庶子六年爲吏部尚書出爲仁威將軍晉陵太守在郡清靜百姓化其德境內肅然大通二年入爲侍中遷掌吏部大同六年遷太子詹事九年遷尚書僕射太清二年遷尚書令卒二子禧遐並少知名

謝幾卿

按梁書謝幾卿傳幾卿陳郡陽夏人曾祖靈運父超宗並有重名幾卿起家豫章王國常侍累遷尚書左丞後以在省署夜著憤輒與門生登閣道酣噉坐免官尋起爲國子博士俄除河東太守普通六年詔遣西昌侯蕭淵藻督衆軍北伐幾卿求行擢爲軍師長史軍退坐免官病卒

謝蘭

按梁書謝蘭傳蘭字希如陳郡陽夏人也晉太保安八世孫父經中郎諮議參軍蘭丁父憂晝夜號慟毀瘠骨立母阮氏常自守視譬抑之服闋後吏部尚書蕭子顯表其至行擢爲王府法曹行參軍累遷外兵記室參軍太清元年遷散騎侍郎母卒蘭號慟嘔血經月餘而卒

謝僑

按南史謝弘微傳弘微元孫僑字國美父元大仕梁

侍中僑素貴嘗一朝無食其子啓欲以班史質錢答曰寧餓死豈可以此充食乎太清元年卒弟札字世高亦博涉文史位湘東王諮議

謝善助

按萬姓統譜善助會稽人能爲八體六文方寸千言京兆韋仲善飛白並在湘東王府善助爲錄事參軍仲爲中兵參軍善助飲酒至數斗醉後輒張眼大罵雖復貴賤親疎無所擇也時謂之謝方眼曾襟坦夷有士君子之操焉

陳

謝哲

按陳書謝哲傳哲字穎豫陳郡陽夏人也祖肅梁司徒父諲梁右光祿大夫哲起家梁祕書郎累遷廣陵太守侯景之亂寓居廣陵高祖自京口渡江哲乃委質深被敬重高祖爲徐州刺史表哲爲長史荊州陷高祖使哲奉表於晉安王勸進敬帝承制徵爲給事黃門侍郎高祖受命遷都官尚書出爲晉陵太守入爲中書令世祖嗣位遷長沙太守還除中書令卒諡康

謝假

按陳書謝假傳假字含茂陳郡陽夏人也祖肅齊金紫光祿大夫父舉梁中衛將軍假起家梁祕書郎稍遷太子中庶子出爲建安太守侯景之亂之廣州依蕭勃勃敗又之晉安依陳寶應世祖前後頻召之假崎嶇寇鹵不能自拔及寶應平假方詣闕以爲給事黃門侍郎尋轉侍中光大元年爲信威將軍遷中書令豫州大中正都官尚書太建元年卒諡曰光子二

子儼仲儼官至散騎常侍侍中御史中丞太常卿

謝貞

按陳書謝貞傳貞字元正陳郡陽夏人晉太傅安九世孫也祖綏梁著作佐郎父蘭員外郎貞幼聰敏有至性太清之亂親屬散亡貞於江陵陷沒太建五年乃還朝除智武府外兵參軍事尋遷侍郎至德三年以母憂去職哀毀羸瘠卒

謝岐

按陳書謝岐傳岐會稽山陰人也父達梁太學博士岐爲尚書金部郎山陰令侯景亂流寓東陽依張彪彪敗高祖引岐參預機密時軍旅屢興糧儲多闕岐所在幹理深被知遇未定元年爲給事黃門侍郎中書舍人天嘉二年卒弟嶠篤學爲世通儒

隋

謝慶恩

按隋書田仁恭傳鮮虞縣公謝慶恩官至上柱國高祖以其佐命功臣特崇貴親禮與仁恭等事皆亡失云

唐

謝偃

按唐書謝偃傳偃衛州衛人本姓直勒氏祖孝政仕北齊爲散騎常侍改姓謝偃在隋爲散從正員郎貞觀初應詔對策高第歷高陵主簿太宗引爲弘文館直學士遷魏王府功曹時李百藥工詩而偃善賦時人稱李詩謝賦府廢終湘潭令

謝叔方

按唐書敬君弘傳巢王親將謝叔方歷伊州刺史善

治軍累加銀青光祿大夫徙洪廣二州都督卒諡曰勤本萬年人從巢王征討有功王表為屈陞眞府左軍騎云

謝元超

按萬姓統譜元超武德初潤州刺史築南北二塘以溉田民賴其利

謝贍

按萬姓統譜贍字子明福州人累舉不第以朱全忠署右職仕唐為通陵州刺史頗有政績遷亳州團練使宣義節度觀察留後卒於官

謝脩

按萬姓統譜脩龍溪人隱于青樵文圃山自廣明西幸人多忍恥以事寇獨脩遁跡必俟光啓廻鑾乃出尋擢上第

謝肇

按萬姓統譜肇字景初興國人唐末與父帥義兵征蠻功第一後又經制容管叛卒止誅元惡脅從罔治逆黨遂平優詔獎諭

謝元卿

按萬姓統譜元卿遇神仙見丹柯碧葉微風時叩五色相接即瑯琊樹也又設素麟脂斑螭髓元洲白柰空洞靈瓜扶桑丹樞瓊飴酒桂臘芝英彈八琅之璈吹叢霄之笙作回鸞轉鳳之舞

後梁

謝彥章

按五代史謝彥章傳彥章許州人幼事葛從周從周養以為子及壯事梁太祖為騎將與孟審澄侯溫裕

皆善將騎兵彥章累遷匡國軍節度使貞明四年晉攻河北賀瓌為北面招討使彥章為排陣使瓌心忌之彥章故與馬步都虞候朱珪有隙瓌欲速戰彥章請持重以老敵珪乃誣彥章以為將反瓌使珪伏甲殺之審澄溫裕皆見害

後周

謝文節

按萬姓統譜文節福州人初仕閩為候官令後入南唐為忠烈都虞候饒州團練使以驍勇聞周世宗南征文節獨擐甲渡大江潛覘敵營壘人號為鐵龍後守鄂州拒宋師戰沒焉

宋

謝茂希

按萬姓統譜茂希肇之裔建隆初以武藝顯官至銀青光祿大夫檢校右散騎常侍兼御史大夫

謝泌

按宋史謝泌傳泌字宗源歙州歙人自言晉太傅安二十七世孫好學有志操太平興國五年進士解褐大理評事知清川縣遷著作佐郎端拱初為殿中丞拜左司諫轉金部員外郎俄知三班通進銀臺司出知湖州再遷主客郎中知魏州咸平二年徙知同州代還加刑部出為兩浙轉運使復知審官院直昭文館知荆南府改襄州遷太常少卿右諫議大夫大中祥符五年卒子衍為太常寺奉禮郎衍將作監主簿衍為太子中舍

謝炎

按宋史黃夷簡傳謝炎字化南蘇州嘉興人父崇禮

秦軍軍掌書記炎慕韓柳為文與盧稹齊名時謂之盧謝炎端拱初舉進士調補昭應主簿徙伊闕連知華容公安二縣卒

謝濤

按萬姓統譜濤字濟之富陽人以文學稱登淳化初第為梓州權鹽判官李順反成都濤畫計守禦以功遷觀察推官權知華陽縣亂後理民田盧盡歸舊主改著作佐郎知興國軍眞宗考吏籍朝士有治迹者二十四人濤在選中召對長春殿賜五品服知曹州奏免曹州輸運之艱使益利兩路回舉所部三十餘人宰相疑其多濤乃陳諸吏治狀不實願連坐濤官至太子賓客卒范仲淹稱濤清淨而文出入朝廷三十年語默仁義進止於青雲之衢徐如也歐陽修銘其德納諸富陽之原于終

謝德權

按宋史謝德權傳德權字士衡福建人父文節初仕王氏為候官令後入南唐為團練使以驍勇聞吳人號為鐵龍後守鄂州拒宋師戰沒德權初以父死事署莊宅副使歸宋補殿前承旨遷殿直以勞就改右侍禁咸平六年命城新樂縣遷供奉官又遷內殿崇班大中祥符元年議東封遷供備庫使三年出知泗州至任踰月卒

謝絳

按宋史謝絳傳絳字希深其先陽夏人祖懿文為杭州鹽官縣令葬富陽遂為富陽人父濤以進士起家累官至太子賓客絳以父任試祕書省校書郎舉進士甲科知汝陰縣天禧中擢祕閣校理仁宗即位屢

遷至知制誥判吏部流內銓請知鄧州卒絳以文學知名一時爲人修潔醞藉所至大興學舍卒之日家無餘貲子景初景溫景平景回景平終祕書丞景同早卒

謝伯景

按萬姓統譜伯景字景山晉江人天聖二年進士爲許州法曹詩文雄健高逸歐陽修嘗稱之云余謫夷陵時景山在許州所寄多佳句如自種黃花添晚景旋移高竹聽秋聲園林換葉梅初熟池館無人燕學飛皆無愧於唐賢

謝景初

按萬姓統譜景初字師厚絳子慶曆間登進士第知餘姚縣有政績以屯田郎致仕博學能文尤長於詩

謝景溫

按宋史謝絳傳絳子景溫字師直中進士第通判汝莫二州王安石與之善乃驟擢爲侍御史出知鄧州踰年進陝西都轉運使轉右諫議大夫知潭州章惇開五溪景溫協力招築召拜禮部侍郎元祐初進寶文閣直學士知開封府罷知蔡州徙河陽卒

謝履

按萬姓統譜履字履道惠安人嘉祐二年進士調南安主簿歷官清溪令動循禮法人無間言熙寧中主都水監遷爲丞塞曹州靈平決河有功法當改官不自言知蔡州乞致仕終於家有雙峰詩集行於世

謝伯宜

按萬姓統譜伯宜字希聖龍溪人知長興縣開水利蝗不入境諸臺以聞遷奉議郎賜緋官至承議郎歷

任凡六司議職者四平反爲多

謝詞

按萬姓統譜詞字正臣光澤人幼聰穎未冠舉於鄉治平四年舉進士初調臨川令歲大饑詞出粟賑濟後守汀州累陞宣奉大夫

謝允昌

按萬姓統譜允昌字孝孫肇之後裔宋熙寧間以太學生上書召對賜進士出身慷慨不苟合以言忤執政不至顯官倖曲江有惠利及民司馬光欲起爲大理丞不赴遂致政家居綽有風節謝鈞登元祐進士清臣亦馳文聲皆其後人云

謝季成

按萬姓統譜季成字子立晉江人父微職方郎中季成以蔭陞大理寺評事衛尉丞熙寧中累遷內藏庫使知宜廉融邕四州廣西鈐轄峒蠻侵叛悉討平之合浦築城浚隍備禦之具爲一路最邕筦外寨戍兵歲物故常千餘季成請以峒丁代戍而教之不失備且可救死以民以爲便元祐中卒於官邕人廟祀之號清戎將軍

謝皓

按萬姓統譜皓字德夫調姪入太學與游權老龔吉老齊名時人目爲三老登元豐進士歷瑞州司理獄無苛留吏不敢欺擢金部郎大觀三年遷使至需索無厭上命皓待之皓入對曰不疑於物物亦誠苛待之以誠彼雖無知亦屈服由是使者無他辭遷司農少卿

謝文龍

少卿

按萬姓統譜文龍字德翔惠安人學問該博文詞敏贈陳覺民深器重之范祖禹莊公岳稱以國士嘗著野議十篇有詩文號菱溪集

謝湜

按萬姓統譜湜金堂人元豐進士官至國子博士伊川高弟嘗自蜀入京師過洛見程子子曰何之曰將試教官子曰吾嘗買婢而欲試之其母怒曰吾女豈試者今求爲人師而試之其不爲此媼怒者幾希湜遂不行

謝麟

按宋史謝麟傳麟字應之建州甌寧人登第調會昌令通判辰州由太常博士改西上閣門副使詔使經制宜州獠降其種落四千八百人褒賜甚渥加果州刺史知涇州二州元祐初復以朝議大夫直祕閣知潭州歷徙江寧鳳翔府渭桂二州卒於官

謝文瑞

按宋史謝文瑞傳文瑞字聖藻陳州人進士甲科教授大名府哲宗時御史中丞黃履薦爲主簿三年不詣執政府召對除祕書省正字考功右司員外郎徽宗立擢起居舍人崇寧元年出知濮州移知濟州卒

謝昇

按萬姓統譜昇資州人父立爲達州推官因家焉以上書救正言鄒杲斥爲邪等

謝徽

按萬姓統譜徽字彥章詞之子少有文名元祐中第進士提舉河北常平因改鑄當十大錢奏言誘民爲奸利舊錢且盡不可蔡京惡其不附己連貶竄後通